

lokal

'Mereka seolah-olah sudah mengawal perairan negara'

Bayan Lepas: Bermula dengan jumlah kecil, bilangan nelayan warga asing yang menangkap ikan di perairan Teluk Kumbar di sini, terus bertambah malah dianggarkan, hampir 100 bot nelayan warga asing terbabit dikesan di perairan berkenaan ketika ini.

Pengerusi Persatuan Nelayan Kawasan Pulau Pinang Arshad Omar berkata, keadaan itu menimbulkan kekusaran dalam kalangan komuniti nelayan berikutan pelbagai isu di perairan berkenaan.

Katanya, sudahlah dilema isu Tambakan Laut Selatan Pulau Pinang (PSR) yang tidak berkesudahan, kini perairan Teluk Kumbar yang kecil itu pula sesak dengan kehadiran nelayan asing.

"Pada asalnya, warga asing ini yang berpengalaman dalam bidang ini datang ke sini mengikut 'tauke ikan' dan selepas mempunyai pendapatan lumayan, mereka bawa lebih ramai rakan.

"Isunya di sini bukan kerana kami ta-



kut sumber laut habis dikaut, tetapi warga asing ini seolah-olah cuba mengawal perairan dengan menangkap ikan mengikut cara kerja mereka yang tidak terurus selain membelakangi undang-undang.

"Mereka boleh pulang ke tempat asal untuk menangkap ikan kerana di sini, keadaan sudah terlalu sesak, ditambah pula dengan pelbagai isu, keadaan kami semakin rumit," katanya ditemui di Batu Maung di sini.

Menurut beliau, perkara itu sudah diadukan menerusi surat dikirim kepada agensi seperti Polis Diraja Malaysia (PDRM), Jabatan Perikanan negeri serta Agensi Penguatkuasaan Maritim Malaysia (APMM) dan katanya, pelbagai operasi giat dijalankan susulan laporan berkenaan.

"Kami difahamkan, ada dalam kalangan ne-

"Pada asalnya, warga asing ini yang berpengalaman dalam bidang ini datang ke sini mengikut 'tauke ikan' dan selepas mempunyai pendapatan lumayan, mereka bawa lebih ramai rakan"**"**

Arshad Omar

layan warga asing ini memiliki kad pengenalan dengan kod dari negeri seperti Kedah dan Perlis.

"Jadi, pergilah minta lesen di negeri masing-masing, mengapa perlu datang dan mohon lesen di sini," katanya lagi.

Arshad berkata, di perairan Pulau Pinang Selatan, ada 2,442 nelayan berdaftar di bawah 14 unit nelayan meliputi Kuala Sungai Pinang, Balik Pulau hingga ke Pengkalan Sungai Pinang, Georgetown.

Berkaitan musim candat sotong bermula bulan ini bulan ini, Arshad berkata, biasanya nelayan asing terbabit akan datang dan tinggal di kawasan itu sepanjang tempoh kira-kira tiga bulan.

"Selepas itu, ada yang pulang semula ke tempat asal dan tidak kurang juga yang terus tinggal di sini," katanya.

NELAYAN ASING 'PIJAK KEPALA'

Kehadiran ratusan nelayan asing di Teluk Kumbar cetus kekusaran

Oleh Zuhainy Zulkiffli
am@hmetro.com.my

Bayan Lepas

"Sudahlah melanggar pukat nelayan sehingga mengalami kerosakan, mohon maaf pun tidak, apatah lagi mahu bayar ganti rugi.

"Nelayan asing ini 'main langgar' sahaja dan tindakan itu memang tidak bertanggungjawab."

Begitu luahan nelayan pantai, Mohd Fadli Othman, 34, yang resah dengan kehadiran kira-kira 100 nelayan nelayan asing di sekitar Teluk Kumbar di sini, sejak lebih 10 tahun lalu.

Mohd Fadli berkata, sebelum ini, nelayan asing yang datang dari beberapa negeri berhampiran juga kerap kali dilihat datang ke Teluk Kumbar menerusi laluan laut pada tengah malam.

"Cara kerja mereka me-



"Ada juga pukat nelayan tempatan yang rosak akibat dilanggar bot nelayan asing namun mereka sama sekali tidak memaklukkannya kepada pemilik pukat"**"**


Mohd Fadli

angkap ikan sama sekali tidak beretika. Mereka tidak pedulikan nelayan tempatan malah melabuhkan pukat dengan sesuka hati termasuk di beberapa lokasi yang sudah dilabuhkan pukat (oleh nelayan tempatan) bagi penangkapan hasil

laut tertentu.

"Contoh, mereka melabuhkan pukat bagi menahan kemas sehingga pukat jenis lain seperti rawan dan pukat hanyut nelayan tempatan tidak dapat dilabuhkan," katanya yang bekerja sebagai nelayan sejak lebih 10 tahun lalu.

Pada masa sama, menurut Mohd Fadli, nelayan asing ini juga tidak memasang lampu pada bot mereka atau pukat sebagai penanda pada





NELAYAN tempatan terkesan dengan kehadiran nelayan asing yang mengaut hasil laut negara.



PERAIRAN negara kaya dengan pelbagai hasil laut sekali gus menarik perhatian nelayan asing untuk melakukan pencerobohan.

APMM usaha pastikan perairan sentiasa aman

Bayan Lepas: Operasi khas yang dijalankan Agensi Penguatkuasaan Maritim Malaysia (APMM) Pulau Pinang seperti Op Pertiwi, Op Tanjung dan Op Benteng Laut adalah bagi memastikan perairan Pulau Pinang sentiasa aman dan terkawal serta selamat bagi digunakan mana-mana komuniti maritim.

Ia juga adalah usaha bagi menguatkuasa undang-undang persekutuan di Zon Maritim Malaysia terutama perairan Pulau Pinang dalam membanteras, mencegah dan menangkap sebarang perlakuan jenayah termasuk rentas sempadan negara.

Pengarah APMM negeri, Kapten Maritim Abd Razak Mohamed berkata, sejak Januari hingga November lalu, 4,370 bot diperiksa menerusi operasi berkenaan.

Katanya, daripada jumlah itu, 76 tangkapan dilakukan membabitkan pelbagai kes.

"Enam belas kes membabitkan penahanan warga asing yang bekerja di bot nelayan tempatan, bot sangkar ikan dan sangkar ikan.

"Mereka ini terdiri daripada warga Indonesia, Myanmar dan Thailand," katanya dihubungi di sini.

Mengulas lanjut, Abd Razak berkata, lima kes pula direkodkan membabitkan tangkapan bot nelayan asing di perairan berkenaan.

Manakala pengusiran bot nelayan asing yang memasuki perairan dituntut pula membabitkan 10 kes.

"APMM bukan sahaja menguatkuasakan undang-undang mengikut Akta Perikanan 1985 malah Akta Dadah

Berbahaya 1952, Akta Anti Permerdagangan Orang dan Anti Penyeludupan Migran 2007 dan lain-lain.

"Kejayaan besar APMM Pulau Pinang adalah menerusi dua tangkapan dadah Methamphetamine dan ekstasi yang masing-masing berjumlah 249.3 kilogram (kg) serta 2.118 tan bernilai RM116 juta pada 2020," katanya.

Dalam perkembangan berkaitan, Abd Razak berkata, kawasan membabitkan sempadan maritim belum terungkuai (*Unresolved Maritime Boundary*) antara yang menjadi lokasi utama pencerobohan nelayan asing di perairan negeri, berdasarkan rekod tangkapan sejak Januari lalu.

"Kawasan itu dicebroh kerana tidak ada nelayan tempatan yang masuk ke perairan itu bagi menangkap ikan selain ia mempunyai hasil laut yang banyak.

"Daripada segi penguatkuasaan, setiap tahun kita menjalinkan kerjasama agensi penguatkuasaan luar negara dalam menangani aktiviti jenayah kontraband, penyeludupan migran, risikan dadah dan jenayah rentas sempadan," katanya.

Unresolved Maritime Boundary terletak pada 80 batu nautika dari barat Pulau Kendi, iaitu kawasan perairan yang dituntut oleh Malaysia dan Indonesia.

Hasil tangkapan dan rampasan pada 2021, APMM turut melupuskan bot nelayan asing dan tempatan serta peralatan menangkap ikan bernilai RM192,000 selepas mendapat keputusan lucut hak oleh mahkamah.

Abd Razak berkata, pelupusan yang dilakukan menerusi kaedah hancur musnah itu membabitkan lima bot nelayan asing Indonesia, satu bot fiber nelayan tempatan, 492 set bubu naga dan dua pukuk lohong.

Kes pelupusan lucut hak itu membabitkan kesalahan mengikut Akta Perikanan 1985 seperti tiada permit menangkap ikan di perairan Malaysia, penggunaan peralatan menangkap ikan yang tidak dibenarkan dan bot tempatan tidak mempunyai nombor pendaftaran.

“ Mereka ini terdiri daripada warga Indonesia, Myanmar dan Thailand ”
Abd Razak

waktu malam.

Akibatnya, berlaku pelanggaran dengan bot nelayan tempatan.

"Ada juga pukuk nelayan tempatan yang rosak akibat dilanggar bot nelayan asing namun mereka sama sekali tidak memaklumkan kepada pemilik pukuk.

"Akhirnya, pemilik pukuk terpaksa me-

nanggung kerugian dan sesiapa sahaja pasti akan rasa terkilan," katanya lagi.

Sementara itu, nelayan yang mahu dikenali sebagai Ahmad, 60-an, berkata, masalah itu sudah diadukan kepada pihak berkaitan termasuk wakil nelayan asing terbahit namun keadaan masih sama sahaja sehingga ke hari ini.

"Jumlah nelayan asing itu sudah ramai di sini, malah mereka juga sudah membentuk penempatan.

"Bukan saja cara kerja kita pun mereka tidak boleh ikut, apatah lagi dengan budaya dan sosial," katanya lagi.

